



საქართველო

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომიტეტი

tel : +995 (0)32 228 54 48, ელ.ფოსტა contact@sca.ge, ბათუმი, ლუკა ასათიანის 37

აჭარის ავტონომიური რესპუბლიკის

უმაღლესი საბჭოს ბიუროს

აჭარის ავტონომიური რესპუბლიკის უმაღლესი საბჭოს რეგლამენტის 138-ე მუხლის მე-4 პუნქტის შესაბამისად, წარმოგიდგენთ საფინანსო-საბიუჯეტო და ეკონომიკურ საკითხთა კომიტეტის მიერ საკანონმდებლო ინიციატივის წესით მომზადებულ "აჭარის ავტონომიური რესპუბლიკის უმაღლესი საბჭოს 2024 წლის ბიუჯეტის პროექტის დამტკიცების შესახებ" აჭარის ავტონომიური რესპუბლიკის უმაღლესი საბჭოს დადგენილების პროექტს.

გთხოვთ, უზრუნველყოთ დადგენილების პროექტის განხილვის პროცედურის დაწყება (გამარტივებული წესით).

დანართი **5** ფურცელი.

პატივისცემით,
კომიტეტის თავმჯდომარე

მ. გვიანიძე

მარინე გვიანიძე



აჭარის ავტონომიური რესპუბლიკის
უმაღლესი საბჭოს
დადგენილება

აჭარის ავტონომიური რესპუბლიკის უმაღლესი საბჭოს
2024 წლის ბიუჯეტის პროექტის დამტკიცების შესახებ

აჭარის ავტონომიური რესპუბლიკის უმაღლესი საბჭო ადგენს:

1. „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონის 26¹ მუხლის პირველი პუნქტისა და აჭარის ავტონომიური რესპუბლიკის უმაღლესი საბჭოს რეგლამენტის 138-ე მუხლის პირველი პუნქტის შესაბამისად, დამტკიცდეს აჭარის ავტონომიური რესპუბლიკის უმაღლესი საბჭოს 2024 წლის ბიუჯეტის პროექტი.
2. უმაღლესი საბჭოს 2024 წლის ბიუჯეტის პროექტი განისაზღვროს **7 025 800** ათასი ლარის ოდენობით, მათ შორის:
 - ა) ხარჯები **6 350,8** ათასი ლარი:
 - ა.ა) შრომის ანაზღაურება **4 241,9** ათასი ლარი;
 - ბ) არაფინანსური აქტივების ზრდა **675,0** ათასი ლარი.
3. უმაღლესი საბჭოს მომუშავეთა რიცხოვნება განისაზღვროს **117** საშტატო ერთეულით.
4. აღნიშნული დადგენილებით განსაზღვრული თანხები გათვალისწინებული იქნეს „აჭარის ავტონომიური რესპუბლიკის 2024 წლის რესპუბლიკური ბიუჯეტის შესახებ“ აჭარის ავტონომიური რესპუბლიკის კანონის პროექტში.
5. დადგენილება ამოქმედდეს მიღებისთანავე.

აჭარის ავტონომიური რესპუბლიკის
უმაღლესი საბჭოს თავმჯდომარე

დავით გაბაიძე

ბათუმი

-- ივნისი 2023 წ.

ი სიძე

გ ა ნ მ ა რ ტ ე ბ ი თ ი ბ ა რ ა თ ი

„აჭარის ავტონომიური რესპუბლიკის უმაღლესი საბჭოს დადგენილების პროექტზე „აჭარის ავტონომიური რესპუბლიკის უმაღლესი საბჭოს 2024 წლის ბიუჯეტის პროექტის დამტკიცების შესახებ“

ა) დადგენილების პროექტის მიღების მიზეზი:

დადგენილების მიღება განპირობებულია „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონის 26¹-ე მუხლის შესაბამისად, რომლის თანახმადაც უმაღლესი საბჭოს ბიუჯეტის პროექტის ფორმირებას და მთავრობისათვის წარდგენას უმაღლესი საბჭოს რეგლამენტით დადგენილი წესით უმაღლესი საბჭო უზრუნველყოფს, არაუგვიანებს საგაზაფხულო სესიის დასრულებამდე. უმაღლესი საბჭოს ბიუჯეტი მტკიცდება უმაღლესი საბჭოს სხდომაზე, დადგენილებით.

უმაღლესი საბჭოს საფინანსო, შესყიდვებისა და ტექნიკური უზრუნველყოფის დეპარტამენტის 2023 წლის 25 მაისის N954 წერილით წარმოდგენილი იქნა აჭარის ავტონომიური რესპუბლიკის უმაღლესი საბჭოს კომიტეტების, ფრაქციების, ხაზინადართა საბჭოსა და უმაღლესი საბჭოს აპარატის წინადადებების საფუძველზე ფორმირებული 2024 წლის ბიუჯეტის პარამეტრები. რის საფუძველზეც მომზადდა შესაბამისი დადგენილების პროექტი.

ბ) დადგენილების პროექტის ძირითადი არსი:

დადგენილებით ხორციელდება უმაღლესი საბჭოს 2024 წლის გადასახდელების დაფინანსების მოცულობის განსაზღვრა ცალკეული მუხლების მიხედვით.

უმაღლესი საბჭოს 2024 წლის ბიუჯეტის პროექტი განისაზღვრა 7 025 800 ათასი ლარის ოდენობით. უმაღლესი საბჭოს 2023 წლის დამტკიცებულ ბიუჯეტთან შედარებით 2024 წელს უმაღლესი საბჭოს ბიუჯეტი მცირდება 100 080 ლარით.

საბიუჯეტო კლასიფიკაციის მუხლები:	2023 წლის დამტკიცებული ბიუჯეტი	2024 წლის ბიუჯეტის პროექტი
1	2	3
მომუშავეთა რიცხოვნება:	117	117
სულ გადასახდელები	7 125 880	7 025 800
ხარჯები	6 320 880	6 350 800
შრომის ანაზღაურება	4 241 980	4 241 900
საქონელი და მომსახურება	2 045 400	2 045 400
სოციალური უზრუნველყოფა	20 000	50 000
სხვა ხარჯები	13 500	13 500
არაფინანსური აქტივები	805 000	675 000

გ) იმ შედეგების საფინანსო-ეკონომიკური გაანგარიშება, რომლებსაც გამოიწვევს წარდგენილი დადგენილების პროექტის მიღება:

მიმდინარე წელთან შედარებით მცირდება მომავალი წლის ბიუჯეტი. ბიუჯეტის შემცირება გამოწვეულია არაფინანსური აქტივების ზრდის მუხლის შემცირებით.

დ) დადგენილების პროექტის ავტორი:

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომიტეტი.

ე) დადგენილების პროექტის ინიციატორი:

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომიტეტი.

ა მ ო ნ ა წ ე რ ი

აჭარის ავტონომიური რესპუბლიკის უმაღლესი საბჭოს
საფინანსო-საბიუჯეტო და ეკონომიკურ საკითხთა კომიტეტის
2023 წლის 30 მაისის სხდომის №3 ოქმიდან

მოისმინეს: მარინე გვიანიძის მოხსენება აჭარის ავტონომიური რესპუბლიკის უმაღლესი საბჭოს დადგენილების პროექტზე - „აჭარის ავტონომიური რესპუბლიკის უმაღლესი საბჭოს 2024 წლის ბიუჯეტის პროექტის დამტკიცების შესახებ“.

მომხსენებელმა აღნიშნა, „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონის 26¹-ე მუხლისა და რეგლამენტის 138-ე მუხლის შესაბამისად, არაუგვიანეს საგაზაფხულო სესიის დასრულებამდე უმაღლესი საბჭო უზრუნველყოფს უმაღლესი საბჭოს ბიუჯეტის პროექტის ფორმირებას და მთავრობისათვის წარდგენას, რომელიც მტკიცდება უმაღლესი საბჭოს სხდომაზე, დადგენილებით.

აჭარის ავტონომიური რესპუბლიკის უმაღლესი საბჭოს რეგლამენტის 138-ე მუხლის მე-4 პუნქტის შესაბამისად, არაუგვიანეს 1 ივნისისა, საფინანსო-საბიუჯეტო და ეკონომიკურ საკითხთა კომიტეტი უმაღლესი საბჭოს ბიუროს განსახილველად გადასცემს უმაღლესი საბჭოს ბიუჯეტის პროექტს, უმაღლესი საბჭოს დადგენილების პროექტის სახით, თავის დასკვნასთან ერთად.

კომიტეტში წარმოდგენილ იქნა უმაღლესი საბჭოს აპარატის უფროსის 2023 წლის 25 მაისის N954 წერილი, რომლის საფუძველზეც შემუშავდა დადგენილების პროექტი და მომზადდა დასკვნა. (იხ. დასკვნა, დადგენილების პროექტი)

აზრი გამოთქვას: გ. კირთაძემ, ტ.აროშიძემ, ი.ვერძაძემ და ლ.სირაბიძემ.

გადაწყვიტეს: კომიტეტმა მხარი დაუჭირა აჭარის ავტონომიური რესპუბლიკის უმაღლესი საბჭოს 2024 წლის ბიუჯეტის პროექტს და მიზანშეწონილად მიიჩნია დადგენილების პროექტი განსახილველად გადაეცეს უმაღლეს საბჭოს ბიუროს შემდგომი პროცედურებისათვის.

კომიტეტის თავმჯდომარე

მარინე გვიანიძე



საქართველო

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომიტეტი

ტელ: +995(0)32 228 54 48, ელ. ფოსტა contract@sca.ge, ბათუმი, ლუკა ასათიანის 37

დასკვნა

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომიტეტმა 2023 წლის 30 მაისის სხდომაზე, აჭარის ავტონომიური რესპუბლიკის უმაღლესი საბჭოს რეგლამენტის 138-ე მუხლის მე-4 პუნქტის შესაბამისად, განიხილა აჭარის ავტონომიური რესპუბლიკის უმაღლესი საბჭოს კომიტეტების, ფრაქციების, ხაზინადართა საბჭოს და უმაღლესი საბჭოს აპარატის წინადადებების საფუძველზე ფორმირებული 2024 წლის ბიუჯეტის პარამეტრები.

საფინანსო-საბიუჯეტო და ეკონომიკურ საკითხთა კომიტეტმა მხარი დაუჭირა წარმოდგენილ პარამეტრებს და მოამზადა შესაბამისი დადგენილების პროექტი. კომიტეტს მიზანშეწონილად მიაჩნია „აჭარის ავტონომიური რესპუბლიკის უმაღლესი საბჭოს 2024 წლის ბიუჯეტის პროექტის დამტკიცების შესახებ“- აჭარის ავტონომიური რესპუბლიკის უმაღლესი საბჭოს დადგენილების პროექტი განსახილველად გადაეცეს უმაღლესი საბჭოს ბიუროს შემდგომი პროცედურებისათვის.

კომიტეტის თავმჯდომარე

მარინე გვიანიძე